



**Sacra Veterum Temporum Uti Et Evangelica, Ac
Apostolica Historia**

Steinhart, Franz

Ingolstadii, 1734

VD18 90104692

Cap. IV. Ex Historia Regum Juda, à conditu Templi usque ad excidium
illius, transactos esse annos 421. deducitur satis liquidò.

[urn:nbn:de:hbz:466:1-62332](https://nbn-resolving.de/urn:nbn:de:hbz:466:1-62332)

Confirmatur hujus capitinis chronotaxis ex actis Apost. c. XIII.
 ubi gentium Doctor ad Judæos verba faciens inter alia dixit: *Et per quadraginta annorum tempus mores eorum sustinuit in deserto, & destruens gentes septem in terra Chanaan sorte distribuite eis terram eorum, quasi post quadringentos quinquaginta annos. Et post has dedit Iudices usque ad Samuel Prophetam.* Terræ promissio confirmata à Deo est in Isaci ortu seu anno mundi 2049 - 1952 addantur, & subtrahantur anni D. Pauli asserti lapsi ad terræ distributionem 450 - 450
 & exsurget annus ærarum 2499 - 1502
 Ex mea autem putatione Josue constitutus Dux populi Jordanem cum grege Iraelitico transit 2494 - 1507
 & septennio post divisit terram 2501 - 1500
 quare juxta meam chronologiam usque ad hanc terræ divisionem effuxissent anni post natum Isaac seu annum 2049 - 1952
 anni inquam effuxissent 452 - 452
 quod cum Apostoli verbis probè convenit, cùm dicat *quasi post quadringentos quinquaginta annos*, qui numerus rotundus 450, ab annis 452. solo biennio distat.

CAPUT IV.

Ostenditur à conditu usque ad excidium vel desolationem Templi intercisi annos 421.

EX dictis constat anno quarto Regni Salomonis conditi cœptam Domum Domini in Jerusalem. Stetit illa usque ad undecimum Secundus Regis Judæ annum, quod iussu Nabuchodonosoris Chaldaeorum Regis deleta est, urbe una cum templo combustis, ut perhibetur. IV. Reg. XXV. & II. Paralipom. cap. ultimo. Regum proin, & quibus singuli regnârunt annorum series in SS. Paginis contenta, aptè extexenda, quò tempus à condito ad excisum templum ritè erui queat.

Pro quo sciendum, Judæorum nomen, Regionemque totam Principi uni paruisse sub Regibus Saule, Davide, Salomone, hujus autem filio Roboamo Patri in solio succedente illicè sub regni primordia scissum esse in duas partes hoc Hebræorum Regnum, quorum Juda unum, alterum Israël est nuncupatum. Prioris caput, seu Metropolis erat urbs Hierosolyma, posterioris saltēm initio Samaria. Illud

per-

persticit usque ad undecimum annum Sedeciæ, quo, ut paulò antè dictum, urbs cum templo à Chaldæis deleta est; istud verò breviores habuit terminos ad sextum Ezechiae Regis Iuda annum deficiens, quando Salmanasar Assyrius tribus X. captivas abduxit unacum Rege Iraël Osee. Regnum autem hoc posterius stetit annis 260. mensibus 7. & totidem diebus, ut colligitur ex libro III. Regum, seu dimidio paulò plus tempore, quam Regnum Iuda duravit, ut constaret, hominum peccata esse illud pondus, quo ipsa merguntur Regna, eò gravius, quò plura illa & majora fuerint.

Reges Juda.

Salomon regnavit annos 40. I. III. Reg. XI. 41. detractis annis 4, quando post assumptum regimen ab hoc Davidis filio construi cœpit Domus Domini in Jerusalēm, restant Salomonici imperii adhuc anni 36
Roboam filius regnavit annis 17
ut enim defuncto patre sceptrum capessivit, ob hominis asperitatem tribus X. Israëliticæ defecere, in solium assumpto Jeroboamo I. III.
R. XII.

Mortuus est autem Roboamus anno 18. ineunte regni Jeroboam Regis Israël, quo anno in Judæ Regno successit Abiam filius I. III.
XIV. 31. & XV. 1. Regnavit Abiam I. c. 2. annis 3

Aśa ejus filius ibid. 10. unā cum patre anno uno, solus annis. 40
Nam annodecimo octavo Jeroboami Regis Israel regnare cœpit Abiam super Judam XV. 1. & tribus annis regnavit super Jerusalēm. v. 2. adeoque rexit hic Abiam anno Jeroboami 18, 19, 20. Sed anno vigesimo Jeroboam regnavit etiam Aśa Rex Juda Abiae filius, ut expressè dicitur v. 10. Ergo Aśa hic uno anno ad regni clavum sedidit cum patre suo Abia.

Josaphat filius. XXII. 42. 25
Joram annos tres cum patre, & post eum 4
Quod enim Joram Regni fasces tenuerit annis 8. saltēm cœptis dicitur IV. Regum VIII. 16. ubi hæc exstant: anno quinto (ineunte scilicet) Joram filii Achab Regis Israël, & Josaphat Regis Iuda (id est tempore quo adhuc ipse Josaphatus regebat) regnavit Joram filius Josaphat Rex Iuda. Triginta duorum annorum erat, cum regnare cœpisset, & octo annis (dum scilicet octavus flueret) regnavit

vit in Ierusalem. Quod verò regere cooperit Joram adhuc vivente patre, verba illa indicant: & *Josaphat Regis Iuda.* Fuit autem annus quintus incepitus Joram Regis Israël, quo anno in consortium throni est admissus Joram Rex Iuda, fuit inquam, quintus hic annus vigesimus tertius Regis Josaphat. Nam Joram Rex Israël regnavit anno decimo octavo Josaphat Regis Iuda. IV. R. III. 1. quare cùm Josaphat regnaret annis viginti quinque, cum eo quoque regnavit trienniō ejus filius Joram, videlicet anno 23, 24, 25. Reliquis verò quatuor annis expletis rexit solus. Et ita sentit Doctiss. Petavius quadrienniū duntaxat regiminis postobitum patris Joram tribuens, atque sic videtur sentiendum; nam v. 25. l. IV. Regum c. VIII. dicitur. *Anno duodecimo Joram filii Achab Regis Israël regnavit Ochozias filius Joram Regis Iuda.* Ergo iste Joram Rex Iuda utpote regnum auspiciatus anno quinto Joram Regis Israël regnum tenuit septem annis completis, seu octo cōspitis, triennio videlicet cum patre, & quadriennio solus.

Dices: Si Joram Rex Iuda regnavit anno quinto Joram Regis Israël, quomodo iste IV. R. I. 17. dici potest regnasse anno secundo Joram filii Josaphat? Resp. hæc sine dubio videri sphyngi haud absimilia. Quò textus concilientur prima fronte contrarii, mollis interpretatio adhibenda erit Petavio rursus probata, nempe dicendo Joramum Israëlitē duplex fortitum esse regni auspiciū, primum anno 18. Josephat post fratris sui Ochozia mortem, quod regnum sex annis nomine & authoritate Pro-Regis administrārit, donec anno vi- gesimo quarto Josaphat, qui annus simul erat Joram Regis Iuda secundus, in Regem Israël à populo denique sit electus, sicque id salvabitur, quod perhibetur loco cit. IV. Reg. Conf. Joram Israëlitā regnavit annis duodecim incipiendo ab anno decimo octavo Josaphat. Anno duodecimo post obitum Joram Regis Iuda incepit regnare Ochozias filius ejus. IV. R. VIII. 25. Ergo Joram Rex Israël regnavit septem annis cùm Josaphat, & quinque cùm Joram Rex Iuda. Quare cùm hic regnaret septem annis completis, necessariò anni tres Regni ejus coincidunt cùm annis viginti quinque regni Josaphat. Et hoc eruisse pro mea chronotaxi sufficit, quacunque de- mun ratione salvetur textus ille, de Regno Joram Israëlitici anno secundo regni Joram in Iuda regnantis adito, quod dispiciendum Scripturatiis relinquo.

Ochozias filius Joram IV. R. VIII. 26. regnasse dicitur anno I.
Notu

Nota Libro II. Paralip. XXII. 2. dici, hunc Ochoziam annorum 42. cùm regnare cœpit, ex quo inferri potest, tunc regnasse, quando pater suo biennio erat major, iste siquidem fuit triginta duorum annorum, quum regnum initit H. Paralip. XXI. 5. & octo annis regnavit. ibid. Idem Ochozias dicitur annorum viginti duorum in libris Regum IV. VIII. 26, ut antè dictum. Quare cùm antilogia occurrat circa hos ætatis Ochozæ annos in prædictis S. Scripturæ textibus, & ex I. H. Paralipom. sequetur adynaton seu impossibile, ut filius tempore exceedat patrem suum, dicendum erit locum Paralipomenon in codicibus Hebræis fuisse depravatum. Hinc in editio-ne Sixtina LXX. Interpretum loco annorum 42. ponuntur tantum 22.

Athalia mater Ochozæ	IV.R.XI. 3. & 4.	occupavit regnum a. 6.
Joas filius Ochozæ	XII. 1.	40
Amasias filius ejus	XIV. 2.	29
Azarias vel Ozias fil. ejus	XV. 2.	52
Joatham illius filius	XV. 33.	16

Dices iterum IV. R. XV. 27. refertur, Azariæ anno quinquagesimo secundo regnasse super Israël in Samaria viginti annis Phacee filium Romeliæ, at verò v. 32. perhibetur, anno secundo ejusdem Phacee regnum tenuisse Joatham filium Ozia regis Juda: ergo statuendum erit aliquod interregnum inter Azariam, seu Oziam & Joatham Regis Juda biennii spatia complexum. Resp. rem salvati commodè posse sine interregno. Anno enim Azariæ 52. ineunte cœpit regnum Phacee Regis Israël, eodemque anno unâ cum Azaria expirante & 53. incipiente scilicet anno primo Joatham initit annus secundus Phacee: ergo jam potest dici, Joatham cœpisse regnare anno secundo (inchoante nimirum,) Regis Phacee, licet nullus intercesserit Regni hiatus, qui ad anni capedinem extenderetur sed solùm mensem unum aut alterum involveret. Deinde potuit Azarias mortuus fuisse ineunte anno sui Regni 53., & tamen dici, regnasse annos tantum 52, completos videlicet. Quod verò annus secundus Phacee tantum cæptus computari debeat pro initio Regis Joatham, patet ex IV. R. XVI. 1. ubi Achaz, qui patri Joatham in Regno successit, dicitur regnare cœpisse anno decimo septimo Phacee, cùm Joatham regnaret annos sexdecim. Pone enim, elapsam fuisse anni unius finè Rege capedinem, annoque Phacee secundo expleto cœpisse regnare Joatham, atque regnasse annis sexdecim, emerget annus decimus octavus Phacee pro initio Regni Achaz, cùm tamen S. Pagina doceat primordia Regni Achaz deberi anno Phacee decimo septimo. Difficilioris lon-

gē solutionis nodi occurunt in annis Regum Israël, verū cū iis
mea chronotaxis haud, indigeat, nec opus illos attingere.

Unum præterire nequeo, in Osee novissimo Rege Israël sese of-
ferentem, cū & ipsam Regum Juda, quā utimur, chronicam seriem
turbare videatur. I. IV. Reg. XV. 30. hic Osee regnasse dicitur pro
Rege Phacee, quem occidit *vigesimo* anno Joatham filii Oziae, & ta-
men Joatham regnavit tantū annis sexdecim, ut suprā dictum, cer-
tumque est protractam Phacee vitam ultra annos Joathan, cū iste, ut
nuper ostensum, regnārit annis viginti, & decimo sexto Regni ejus
anno datus sit in Regno Juda Successor filius ipsius Achaz. Igitur
S. Scriptura necessariō intelligenda venit de anno vigesimo post as-
sumptionem Joatham ad solium, quos tamen viginti annos ille non
complevit, cū *vigesimus* Joathan fuerit Achaz filii ejus annus quar-
tus. Et hinc primū major oritur difficultas. Si Osee Regnum Il-
raël auspicatus est anno quarto Achaz Regis Juda, cur S. Scriptura I.
c. XVII. 1. memorat, eundem Osee anno duodecimo Regis Achaz
regnasse in Samaria super Israël annis novem? item XVIII. 1. anno
tertio Osee regnasse Ezechiam filium Achaz Regis Juda? Resp. ta-
men, istis utut intricatis minimè turbari debere chronologiam Re-
gum Juda. Liquidò enim ex Historia horum Regum habemus, Joa-
thano successisse filium ejus Achaz, huic verò Ezechiam Reges Juda,
unāque regiminum eorum clarè definit annos. De Osee itaque Re-
ge Israël duce Petavio id dicendum occurrit, regni ejus initium fu-
isse duplex, primum anno vigesimo Joathan, seu quarto Achaz, alte-
rum anno duodecimo ejusdem Achaz qua verò de causa fuerit illud
imperium interruptum, haud satis constat. Fors dici poterit, pri-
mos novem annos regni illius Tyrannici, cū id proditorie invase-
rit occiso Phacee IV. R. XV. 30, non fuisse pro legitimis agnitos,
donec anno duodecimo Achaz, & nono ipsius Osee populi in hunc
Regem consenserint, & subin ab ejus regimine annos putare coepe-
rint. Illud certum, Osee istum anno nono Regni sui posterioris, &
subditorum consensu aditi, qui fuit annus sextus Ezechiae, ab Assyriis
in captivitatem abductum, denique finem impossuisse regno Israëli.
Reg. XVIII. à versu V. 9.

Ex diētis autem pro annis Regni Achaz, qui successit Patri Joa-
than, probabiliter colligitur, solos quindecim annos ipsi Achaz assi-
gnandos, licet XVI. 2. dicatur, *sedecim annos regnasse in Jerusalem*,
potest liquidem hoc intelligi de 16, annis cooptis, non autem com-
pletis, ita ut primus absorptus sit ab anno ultimo Joathan, ultimus
verò

verò à primo Ezechie. Imò si quis quatuordecim duntaxat annos tribueret Achaz, quod præstitit Petavius, adhuc is se tueri posset contra obiectionem è S. Scriptura petitam. Verùm ego quidem nullam video id faciendi sufficientem necessitatem. Mediā ire placuit assignando videlicet Regi illi annos quindecim.

Achaz igitur filius Joathan rexit XVI. 2. annos 15
Ezechias ejus fil. XVIII. 2. annos 29, duos cum patre, solus reli-

quos 27

Manasses ejus filius XXI. 1. annos 55

Amon ejus filius XXI. 19. annos 2

Josias ejus filius XXII. 1. annos 31

Joachaz fil. Josiae XXIII. 31. menses tres 0 3

Joakim filius Josiae, qui & Eliakim XXIII. 36. annos 11

Joachim filius Joakim dictus quoque Jechonias XXIV. 8. trime-
stri 0 3

Sedecias frater Joahim 11

Sub hoc, ut capitò initio dictum exusta urbe, & templo defe-
xit etiam Regnum Juda IV. R. XXV.

Id, quod paulò ante de Ezechia dictum, quòd videlicet bienni-
um regni 29. annis IV. R. XVIII. 2. definiti cum patre simul re-
gnante exegerit, annos 27. reliquos solus, Chronologi complures di-
cunt, videturque necessariò dicendum, ne absurdum sequatur, vel
repugnans communis sensui, quòd nempe Ezechias natus sit anno de-
cimo ætatis patris sui Achaz, adeòque à novenni circiter fuerit ge-
neratus, id enim planè è SS. textibus inferri potest, si Ezechias solus
annis viginti novem regnasset. Anno enim suo vigesimo Achaz re-
gnare cœpit XVI. 1. additis quindecim, quos ei damus, annis re-
giminis, ætas illius triginta quinque annis definitur. Ezechias filius
Achaz viginti quinque annorum erat, cùm regnare cœpisset. XVIII.
2. demptis viginti quinque, si Ezechias primum regere cœpisset post
mortem patris Achaz, ab annis ætatis paternæ triginta quinque, re-
stant anni decem parentis, quando filius Ezechias natus est. Cæte-
rum quòd Ezechias iste binis annis cum patre regnaret clare sic con-
ficitur. Annus duodecimus regni Achaz Regis Juda fuit annus pri-
mus Osee Regis Israël XVII. 1. Annus Osee tertius fuit primus Eze-
chiae filii Achaz Regis Juda. XVIII. 1. Ergo anno decimo quarto
Achaz (iste enim est annus tertius Osee, cùm annus duodecimus
Achaz fuerit Osee primus, ut nuperrimè dictum) anno, inquam, de-
cimo quarto Achaz cœpisset regnare Ezechias. Quare cùm Achaz re-
gnâ-

gnarit minimum annos quindecim, filius ejus Ezechias cum eo regnavit biennio, annis scilicet regni Achaz & decimo quarto, & decimo quinto.

Quod facilius colligi in unam summam queant anni hi regnorum regum Iuda, non interrupta serie sub obtutum illos ponere libuit hoc ordine.

Æ. M. a. Æ. V.

Anni Salomonis post 4. Regni annum

Seu iactum Templi fundamentum	36	-	3010	-	991
Roboami ejus filii	17	-	3027	-	974
Abiam ejus fil.	-	-	3	-	3030
Aſer ejus fil. i. cum patre, solus	40	-	3070	-	931
Josaphat ejus fil.	25	-	3095	-	906
Joram ejus fil.	-	-	4	-	3099
Ochoziæ ejus fil.	-	-	1	-	3100
Athaliae matris Ochoz.	-	-	6	-	3106
Joas fil. Ochoziæ	-	-	40	-	3146
Amasis ejus fil.	-	-	29	-	3175
Azariæ ejus fil.	-	-	52	-	3227
Joathan ejus fil.	-	-	16	-	3243
Achaz ejus fil.	-	-	15	-	3258
Ezechiæ ejus fil.	-	-	27	-	3285
Manassis ejus fil.	-	-	55	-	3340
Amon ejus fil.	-	-	2	-	3342
Josiaæ ejus fil.	-	-	31	-	3373
Joachaz ejus fil.	-	-	0. 3.M.	3373	- 628
Joakim seu Eliakim fil. Josiaæ	-	-	11	-	3384
Joachin filii ejus seu Jechoniat	-	-	0. 3.M.	3384	- 617
Sedeciae fratriss Eliakim	-	-	11	-	3395

Summa annorum Regiminis Regum Iuda. 421. 6. M.

Proin à condito ad destructum templum intercipiuntur anni 421.
& desolatio hæc incidit in Æ. M. 3395. a. Æ. V. 606. quod e.o.



CA.